

ՀԱՇՎԵՏՎՈՒԹՅՈՒՆ

2019Թ. ԴԵԿՏԵՄԲԵՐԻ 9-11-Ը ՖՐԱՆՍԻԱՅԻ ՀԱՆՐԱՊԵՏՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. **ԱՆՈՒՆԸ, ԱԶԳԱՆՈՒՆԸ**

Վաչե Տերտերյան

2. **ԶԲԱՂԵՑՐԱԾ ՊԱՇՏՈՆԸ**

«Տարածքային կառավարման և ենթակառուցվածքների նախարարի տեղակալ

3. **ԳՈՐԾՈՒՂՄԱՆ ՎԱՅՐԸ/ԺԱՄԿԵՏՆԵՐԸ**

Ֆրանսիայի Հանրապետություն (ք. Ստրասբուրգ) / 2019թ. դեկտեմբերի 9-11-ը

4. **ՀՐԱՎԻՐՈՂ ԿՈՂՄԸ**

Եւ ժողովրդավարության հարցերով գլխավոր տնօրինություն

5. **ԳՈՐԾՈՒՂՄԱՆ ՆՊԱՏԱԿԸ**

Մասնակցել ժողովրդավարության և կառավարման եվրոպական կոմիտեի (ԺԿԵԿ) 10-րդ նիստին (այսուհետ՝ Նիստ):

6. **ՔՆՆԱՐԿՎԱԾ ԹԵՄԱՆԵՐԸ**

Նիստի բացման և ողջույնի խոսքով հանդես եկավ Եւ ժողովրդավարության և կառավարման եվրոպական կոմիտեի նախագահ Փիթեր Անդրեն, որից հետո ժողովրդավարության գլխավոր տնօրինության մարդկային արժանապատվության, հավասարության և կառավարման գծով տնօրեն Կլաուդիա Լուչիանին ներկայացրեց ԺԿԵԿ - ի վերջին լիազումար նիստից հետո տեղի ունեցած հիմնական զարգացումները: Այնուհետև անդամ երկրները փոխանակվեցին իրենց երկրներում տեղական ժողովրդավարության և կառավարման ոլորտներում իրականացվող բարեփոխումների ընթացքի վերաբերյալ տեղեկատվությամբ: Այս համատեքստում հանդես եկա Հայաստանում տեղական ինքնակառավարման բարեփոխումների վերաբերյալ մանրամասն ներկայացմամբ և ելույթով. 2 ներկայացումն էլ հասանելի են Եւ պաշտոնական կայքէջում՝ <https://www.coe.int/en/web/good-governance/presentations-and-speeches-10th-cddg> և զետեղվել են Նիստի ընդլայնված արձանագրության մեջ:

Անդամ երկրների պատվիրակները ներկայացրեցին իրենց տեսակետները ժողովրդավարական կառավարման խթանման վերաբերյալ, այս ոլորտում առկա ձեռքբերումները, մարտահրավերները, խոչընդոտները:

Եւ գլխավոր քարտուղարի տեղակալ տիկին Գաբրիելլա Բատանի-Դրագոնին ԺԿԵԿ-ին առաջարկեց շարունակել գլխավորել Եւ միջկառավարական աշխատանքները ժողովրդավարական ինստիտուտների, հանրային

կառավարման, ապակենտրոնացման և պատշաճ կառավարման ուժեղացման ուղղություններով՝ հատկապես շեշտը դնելով որոշումների կայացման գործընթացում քաղաքացիների մասնակցության և հանրային էթիկայի խթանմանն ուղղված աշխատանքներին:

ԵՄ տեղական և տարածքային իշխանությունների կոնգրեսի (այսուհետ՝ Կոնգրես) հետ համագործակցությանն անդրադարձավ Կոնգրեսի գլխավոր քարտուղար Անդրեաս Կիֆերը՝ մասնավորապես մասնակիցների ուշադրությունը հրավիրելով թափանցիկությանը, հանրային էթիկային և տեղական գործընթացներին քաղաքացիների մասնակցությանն առնչվող մի շարք հրապարակումների վրա՝ հորդորելով հասարակության առավել լայն շերտերին հասանելի դարձնելու նպատակով տարբերակներ գտնել դրանք ավելի շատ լեզուներով ունենալու համար:

ԺԿԵԿ քարտուղարությունը ներկայացրեց նախարարների տեղակալների կողմից հաստատված 2020-2021թթ. աշխատանքների ընդհանուր նկարագիրը և հատուկ խնդիրների լուծմանն ուղղված աշխատանքային ծրագիրը: Քարտուղարությունը տեղեկացրեց նաև, որ հաջորդ 2 տարվա անելիքներից կոնկրետ աշխատանքներ արդեն սկսված են, մասնավորապես այն մասով, ինչը վերաբերում է ժողովրդավարության և կառավարման վրա արդի թվային փոխակերպման ազդեցությանը, ինչպես նաև ընտրական գործընթացներում նոր տեխնոլոգիաների կիրառմանը:

ԵՄ պատշաճ կառավարման փորձագիտական կենտրոնի ղեկավար Ալինա Տատարենկոն էլ ներկայացրեց կենտրոնի կողմից 2019թ. ընթացքում ԵՄ անդամ 19 պետությունների տրամադրված փորձագիտական աջակցության մասին:

7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Ստրասբուրգ այցի ընթացքում հանդիպում եմ ունեցել Կոնգրեսի գլխավոր քարտուղար Անդրեաս Կիֆերի հետ: Հանդիպմանը ներկա էին նաև Մոնիտորինգի հանձնաժողովի քարտուղար Ստեֆանի Պուարելը, Կանոնադրական գործունեության ղեկավար Ռենատե Զիկմունդը և Համագործակցության և արտաքին հարաբերությունների ղեկավար Դմիտրի Մարչենկովը:

Հանդիպում եմ ունեցել նաև Մարդու արժանապատվության, հավասարության և կառավարման հարցերով տնօրեն Կլաուդիա Լուչիանիի հետ:

2 հանդիպումների ընթացքում էլ մանրամասն անդրադարձ է կատարվել 2019թ. մայիսի 13-14-ը Կոնգրեսի պատվիրակության՝ Հայաստան կատարած մոնիտորինգային այցի արդյունքներով զեկույցի նախնական նախագծին, որի վերաբերյալ հայտնել եմ մի շարք դիտարկումներ և տեսակետներ:

Ներկայացրել եմ նաև Հայաստանում վարչատարածքային բարեփոխումների ընթացքը և ընդհանրապես տեղական ժողովրդավարության ոլորտում առկա զարգացումները:

8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ

Նիստի ընթացքում ԺԿԵԿ-ը անդրադարձավ Նախարարների կոմիտեում Ֆրանսիայի նախագահության ընթացքում (2019թ. մայիսի 17 – 2019թ. նոյեմբերի 27) կատարված աշխատանքներին, ինչպես նաև հաջորդող՝ Վրաստանի նախագահության (2019թ. նոյեմբերի – 2020թ. մայիս) կողմից սահմանված առաջնահերթություններին: ԺԿԵԿ – ի կողմից ընտրվեցին նաև բյուրոյի նախագահ և նախագահի տեղակալ 1 տարի ժամկետով և բյուրոյի անդամներ 2 տարի ժամկետով:

Նիստի ավարտին ԺԿԵԿ-ը հաստատեց նաև Նիստի ընդլայնված արձանագրությունը:

Որոշում կայացվեց հաջորդ նիստը գումարել 2020թ. ապրիլի 27-28-ին:

9. ՍՏՈՐԱԳՐՈՒԹՅՈՒՆԸ, ԱՄՍԱԹԻՎԸ.

16 դեկտեմբերի 2019թ.

